

儀

禮

恒

解

儀禮恆解卷六

雙江劉沅輯註

燕禮

先王視天下如一家視羣臣子姓如一體故班朝蒞政之餘制爲燕禮以通上下之情而諸侯以下概可知矣禮經亡缺此書所載惟此篇及公食大夫禮詳其義類君上略分言情臣下敬恭將事和而不流樂而不淫猶想見聖王明良之協焉但其儀後世多不可行聊以志古制之一二焉耳

小臣戒與者與音預

戒留之也按燕禮非一或燕異國之賓及燕勞使臣當早爲前定此但言尋常留燕耳而其他禮儀亦彷彿此可知

膳宰具官饌于寢東

饗食在廟故陳鼎于門外燕在寢故具饌于寢東寢路寢也官饌諸官所當饌之物酒牲膳醢之屬此但言其陳饌處之處非一時而卽並陳之

樂人縣

縣胡淵反同懸

天子諸侯無故不徹懸此因燕羣臣而更加新耳

設洗篚于阼階東南當東霤霤水在東篚在洗西南肆設膳篚

在其北西面

霤力又反霤音雷

設洗篚之篚盛君食器者也膳篚盛臣食器者也美食曰膳君寵臣以美食而別設之君之洗篚皆在阼階東南而篚在洗西向南陳之膳篚亦南陳但西面臣雖不敢當客禮而君則待以賓禮故西向賓耳

司宮尊于東楹之西兩方壺左玄酒南上公尊瓦大兩有豐罍

用綌若錫在尊南南上尊士旅食于門西兩圓壺

大音泰綌去逆反錫屑益

反圓音圓今文錫爲錫

司宮宮人之屬尊用方壺卿大夫也公尊用瓦甒兩豐所以承尊形似豆卑而大罍以覆尊夏用綌冬用錫綌葛之粗者錫麻十五升去其半而加灰之布也南上面君也若士則旅食于門西人各兩圓壺旅眾也

司宮筵賓于戶西東上無加席也

筵席也司宮設席于戶西若賓之者然無加席以其爲本國之臣燕禮又輕于饗食也以上戒與燕者及設器饌

射人告具

燕或射或否而射人必預具射之事故告具于君

小臣設公席于阼階上西鄉設加席公升卽位于席西鄉

鄉許亮反

下同本又作屬

司宮先設賓席而小臣乃設公席君優臣之意前人謂公席先設賓席後設謂尊卑之義必倒轉經文以就其說不知尊卑之分平日必嚴而燕則略分言情不當自大也阼階主位臣無加席而君加席公先卽席而後納賓此尊卑之義位阼階而西鄉禮臣之意固兩不相悖也

小臣納卿大夫卿大夫皆入門右北面東上士立于西方東面北上祝史立于門東北面東上小臣師一人在東堂下南面士

旅食者立于門西東上

納以君命引而入也君燕臣客或有卿或大夫或士不必皆備此大概言若卿大夫士等皆在則其位如此耳小臣胥小臣之長羣小臣奉事而其長一人監之也天子五門皋庫雉應路其朝三外朝在庫門外治朝在路門外燕朝在路門內此所言燕朝之位也

公降立于阼階之東南南鄉爾卿卿西面北上爾大夫大夫皆

少進

爾通

爾近也揖而近之親之也不言士蓋不爾之也以上言即位

射人請賓公曰命某爲賓

公燕卿大夫士或人眾則其儀如下文所云燕本國臣子無擯介即以射人爲擯故射人請賓請賓請問以何人爲賓也君不能徧爲羣臣禮故以一人爲賓與之行禮

射人命賓賓少進禮辭反命又命之賓再拜稽首許諾射人反

命

初命爲賓辭不敢當射人反命君又命之乃再拜許諾射人以許諾復命于君

賓出立于門外東面

此一人獨出立于門外俟射人納之乃入燕禮不必如大射儀或謂東當作北非也

公揖卿大夫乃升就席小臣自阼階下北面請執冪者與羞膳者乃命執冪者執冪者升自西階立于尊南北面東上膳宰請羞于諸公卿者

卿大夫未出門俟於下公揖之而乃先升就席小臣北面請于君命何人執冪何人羞膳公命之小臣乃以公命執冪者升階立于尊南膳宰亦于時請致羞于諸公卿者公卿尊故別有致羞者

射人納賓賓入及庭公降一等揖之公升就席賓升自西階主人亦升自西階賓右北面至再拜賓答再拜

射人以公命納賓賓入及庭公降揖之仍升席賓升自西階
宰夫代君爲主人亦升自西階立于賓右北面拜賓之至賓
亦再拜答之至再拜文
制裝文法以上賓至

主人降洗洗南西北面賓降階西東面主人辭降賓對主人北
面盥坐取觶洗賓少進辭洗主人坐奠觶于篚興對賓反位主
人卒洗賓揖乃升主人升賓拜洗主人賓右奠觶答拜觶音孤古文觶

皆爲

解

主人即宰夫降洗而賓亦降主人辭其降賓對以當降之故
主人盥手而後洗觶賓又辭其洗主人坐奠觶于篚興對蓋
言必洗之意賓反位主人卒洗賓揖乃升申上文反位必揖
而後升也主人洗後乃升賓拜其洗主人于賓右奠觶答賓
拜之

降盥賓降主人辭賓對卒盥賓揖升主人升坐取觶執冪者舉
冪主人酌膳執冪者反冪主人筵前獻賓賓西階上拜筵前受

爵反位主人賓右拜送爵

降復盥者將酌酒竝酌膳也賓亦降主辭賓對賓揖升主人升竝如初坐取觶而酌酒執帛者舉帛以便其取酒其酌膳亦然既酌而筵前獻賓賓拜而受爵反位主人乃拜送爵御案公席于阼主人不敢在阼階故與賓同階而在賓右

膳宰薦脯醢賓升筵膳宰設折俎賓坐左執爵右祭脯醢奠爵

于薦右興取肺坐絕祭齊之興加于俎坐挽手執爵遂祭酒興

席末坐啐酒降席坐奠爵拜告旨執爵興主人答拜齊才討反挽舒銳反

啐七內反

膳宰獻脯醢賓升席既又設折俎賓乃坐左執爵右祭脯醢奠爵乃便于祭也取肺絕之以祭當之興仍置肺于俎坐而拭手乃執爵祭酒興于席末坐嘗酒降席坐奠爵而拜言酒餼之美執爵以興主人答拜以謝其告旨賓于西階上北面坐取爵而興將酢主人也坐奠爵而拜拜主人之惠已飫意主人答拜謝不敏以上主人獻賓

賓西階上北面坐卒爵興坐奠爵遂拜主人答拜賓以虛爵降

主人降賓洗南坐奠觶少進辭降主人東面對賓坐取觶奠于
筐下盥洗主人辭洗賓坐奠觶于筐興對卒洗及階揖升主人
升拜洗如賓禮

爵卽觶凡觶解角散皆可通言爵賓以虛爵降將洗而酢主
人其降及奠觶卒洗揖升皆如主人獻賓賓答主人之禮

賓降盥主人降賓辭降卒盥揖升酌膳執帨如初以酢主人于
西階上主人北面拜受爵賓主人之左拜送爵主人坐祭不啐
酒不拜酒不告旨遂卒爵興坐奠爵拜執爵興賓答拜主人不
崇酒以虛爵降奠于筐

賓降盥卒盥揖升等皆如主人獻賓之儀惟主人不啐酒不
拜酒不告旨異于賓卒爵興奠爵拜執爵興等亦略如獻時
主人不崇酒以
酒非己物也

賓降立于西階西射人升賓賓升立于序內東面

賓降者酢禮既畢宰夫將獻公故不敢居堂也射人奉公之意升賓辭其降也賓立常在序端此時入序稍深故曰序內以上賓
辭主人

主人盥洗象觚升賓之東北面獻于公公拜受爵主人降自西階阼階下北面拜送爵

象觚觚以象骨爲飾酒本君物而曰獻者以宰夫爲獻主也公拜受爵者以宰夫代己爲主人既獻賓又獻己勞之主人降北面拜送爵不敢當君之拜也

士薦脯醢膳宰設折俎升自西階公祭如賓禮膳宰贊授脯不拜酒立卒爵坐奠爵拜執爵興主人答拜升受爵以降奠于膳
簠

賈氏公彥曰前獻賓薦俎皆使膳宰今君尊故使士薦俎升自西階若賓之獻君者然祭祭薦祭脯祭酒也君尊不親取肺士授之而膳宰贊也不拜酒者以酒爲己物立卒爵坐奠爵而拜執爵以興若將授人奠之者然主人答拜遂升受爵

以降奠于篚以
上主人獻公

更爵洗升酌膳酒以降酢于阼階下北面坐奠爵再拜稽首公
答再拜主人坐祭遂卒爵再拜稽首公答再拜主人奠爵于篚
更爵更易一爵不敢用君之爵下文有奠爵則酌酒與膳是
也敖氏謂酒字衍者非公當酢主人不敢當君之爵而自酢
此如

主人盥洗升媵觚于賓酌散西階上坐奠爵拜

媵異證反散思
旦反下同今文

媵作
騰

主人因自酢原在階下將酬賓而盥洗故賓不降媵送也
送觚于賓而自酌散爵將以導飲乃于西階上奠爵拜

賓降筵北面答拜主人坐祭遂飲賓辭卒爵拜賓答拜

筵蓋賓原坐之席也前因主人獻公賓退立于序內今主將
酬賓賓自當出就筵經不言省文也前人因經無明文謂筵
字衍者非答拜答其奠爵之拜也主人坐祭遂自飲
賓辭者辭其導飲主人卒自飲而拜以導賓賓答拜

主人降洗賓降主人辭降賓辭洗卒洗揖升不拜洗主人酌膳

賓西階上拜受爵于筵前反位主人拜送爵

主人降洗爲將酌膳也賓故降主人辭其降而賓不許主人遂洗卒洗揖賓升賓不拜洗者必主人酌膳賓乃拜之省其禮也受爵卽前主人所奠之觚主人拜以致其送爵之意非既送觚今又送爵也

賓升席坐祭酒遂奠于薦東主人降復位賓降筵西東南面立

賓升席坐而祭酒者尊君之賜雖重賜如新受賜也奠而不舉酬之禮也主人既酬復位賓既受酬則降筵立丁筵西東南面君而立以上主人酬賓

小臣自阼階下請媵爵者公命長小臣作下大夫二人媵爵媵

爵者阼階下皆北面再拜稽首公答再拜

長知文反下同

小臣請于公以何人媵爵公命擇侍席諸臣之長者長官較尊者卽下大夫是也此媵爵者公將以酬賓賓以族酬也作使也二人所謂長者北面再拜稽首重其事也公答拜亦重之也御案燕示慈惠主于盡醉極歡故一獻之禮雖略而

旅酬之儀則盛主人于賓一獻一酢一酬正禮已成矣又行旅酬使眾人共飲而酬必賓始然賓不敢始也故于賓奠酬之酬之後乃使二人媵解于公以此媵解成獻公之禮而因以之酬賓即為賓舉旅而遂以辯酬乎公卿大夫以為此賓之旅也皆君之賜云爾情文相生恩義浹洽下文三舉旅皆以是觀之

媵爵者立于洗南西面北上序進盥洗角解升自西階序進酌散交于楹北降阼階下皆奠解再拜稽首

敖氏繼公曰序進先者既洗後者乃進也先者既洗即升立于西階上以俟後洗者酌散更言序進明其復發于西階上也交于楹北交相右也奠解再拜此為媵角解于公也

執觶興公答再拜媵爵者皆坐祭遂卒觶興坐奠解再拜稽首執觶興公答再拜媵爵者執觶待于洗南

既奠角解即執以興而自飲以導賓公先答拜其奠解又答拜其卒解而奠解既奠解又執以異者將以舉旅也待于洗南待君之命

小臣請致者

致致爵于公也請于君
或命一人或命二人

若君命皆致則序進奠觶于篚阼階下皆再拜稽首公答再拜
媵爵者洗象觶升實之序進坐奠于薦南北上降阼階下皆再
拜稽首送觶公答再拜

若者不定之辭或有時止命一人致也奠觶莫角觶又再拜
稽首將致象觶也角觶臣飲象觶君飲者以上媵爵于公

公坐取大夫所媵觶興以酬賓賓降西階下再拜稽首公命小
臣辭賓升成拜公坐奠觶答再拜執觶興立卒觶賓下拜小臣
辭賓升再拜稽首公坐奠觶答再拜執觶興賓進受虛爵降奠
于篚易觶洗

前宰夫代公爲主人行獻酢之禮此則公自導飲酬賓其情
益親矣取下大夫所媵之爵以酬賓賓不敢當故降而再拜

公命小臣辭之乃升成拜公亦答其再拜賓之也公遂執觶立飲以導賓賓下拜公亦命小臣辭賓升成拜公既飲則坐而奠觶不親酌也答其再拜執觶以興示命賓飲意賓受君之虛爵降莫于筐不敢以君之爵飲也此上公爲賓舉族公有命則不易不洗反升酌膳觶下拜小臣辭賓升再拜稽首公答再拜

易更換也更取角觶而洗之公命仍用象觶則不易尊君命也不洗者嫌以公爵爲不潔也反反其位而後升酌膳觶者備君或命用此下拜君命小臣辭乃升成拜公答再拜拜其爲己酬眾人也

賓以族酬于西階上

此句總冒下文

射人作大夫長升受旅

鄭康成曰族序也以次序勸卿大夫飲酒言使大夫長一人升受旅先尊而後卑也

賓大夫之右坐奠觶拜執觶興大夫答拜賓坐祭立飲卒觶不

拜

賓于大夫之右坐奠觶而拜執觶以興大夫答拜賓坐祭者以此酒爲公所賜重之也卒觶以導飲不拜者亦以公之惠下非己物也

若膳解也則降更解洗升實散大夫拜受賓拜送

若公優所酬者或使得用膳解則此一人得用膳解餘人不得用之故更解洗之升實散爵大夫拜受榮君之賜賓以其拜亦拜送之

大夫辯受酬如受賓酬之禮不祭卒受者以虛觶降奠于篚

辯音同偏下

上言大夫之長受族故此推言眾大夫受酬皆如此禮卒受者未受酬之一人以上賓受酬

主人洗升實散獻卿于西階上

此句總冒下文卿尊于大夫而後獻者既命大夫爲賓故先獻賓而後獻公卿此當在獻大夫之後而記于旅酬後者公

卿容不與燕故繼而備言其禮

司宮兼卷重席設于賓左東上卷居遠反重直容反下同

鄭康成曰言兼卷則每卿異席也重席重蒲筵繡布純兼卷之自房而出兼布之無論大小卿皆席于賓東而以次而西東上統于君也

卿升拜受觚主人拜送觚卿辭重席司宮徹之

卿不待君命而即升拜受觚不敢煩君也君拜送觚賓之也卿重席分也辟君而辭之司宮遂徹之

乃薦脯醢卿升席坐左執爵右祭脯醢遂祭酒不啐酒降席西階上北面坐卒饗興坐奠爵拜執爵興主人答拜受爵卿降復位

不啐酒公卿常近于君非若大夫受燕爲新恩不啐者以明醉飽君德已久也

辯獻卿主人以虛爵降奠于篚射人乃升卿卿皆升就席

主人宰夫既奠爵復位于西
方射人乃升卿卿升就席

若有諸公則先卿獻之如獻卿之禮席于阼階西北面東上無

加席

先席薦反

諸公大國之孤也上公之國乃有四命之孤侯伯以下則無
故云若先卿獻之先獻公而後獻卿其儀亦與上獻卿同但
公席在阼階西北面亦東上統于君無加席以在公左太近
君設席時即不敢與君同不待其辭而後徹也以上主人獻
卿公

小臣又請媵爵者二大夫媵爵如初請致者若命長致則媵爵
者奠觶于筐一人待于洗南長致致者阼階下再拜稽首公答
再拜洗象觶升賓之坐奠于薦南降與立于洗南者二人皆再
拜稽首送觶公答再拜

此乃因既獻公卿而又媵觶于君也故仍以大夫媵爵如初
長二人中之尊者惟一人致之故無序進交兩楹等事象奠

即所腰之爵也致之于君以俟君舉旅

公又行一爵若賓若長唯公所酬以旅于西階上如初大夫卒受者以虛解降奠于篚

行爵飲之以導飲又行者公一卒爵而又行也若賓若長惟公所酬或辨酬或否惟公以此次之旅因獻公卿而酬至大夫止尊公卿以異于大夫故不盡酬其旅于西階上如大夫禮大夫卒受者以虛解奠于篚以上爲公卿舉旅按此篇記獻公卿于獻大夫後于是解者謂大夫旅酬內亦有卿而經文無公卿字此記獻公卿後旅酬仍以爲再酬大夫而無解于又命致者及若賓若長惟公所酬不知公卿尊于大夫既獻公卿當勝爵以行酬既獻大夫亦勝爵以行酬大夫之酬不及公卿公卿之酬則及大夫優公卿也至又行一爵酬當三舉爵而大夫但二舉爵酬公卿一次而再舉爵公卿日與君近情較親于大夫故燕公卿之禮略大夫與君較遠故燕大夫禮詳于公卿公卿之與燕時多大夫之與燕時少記者先記大夫次記公卿繼又記大夫說者以爲大夫爲賓賓優于公卿不知燕羣臣皆賓之特舉其長以行禮非若鄉飲酒特設之賓優于眾人由未詳考情事而迷誤于經文也

主人洗升獻大夫于西階上大夫升拜受觶主人拜送觶大夫坐祭立卒爵不拜既爵主人受爵大夫降復位

主人復洗升獻大夫將使之就席大夫拜受坐祭立而卒爵既盡也不拜者禮殺也

胥薦主人于洗北西面脯醢無胥胥承反

主人再獻大夫大夫亦當獻主人胥代之薦主人于洗北西面胥俎實猶言無俎也胥胥吏

辯獻大夫遂薦之繼賓以西東上卒射人乃升大夫大夫皆升就席

敖氏繼公曰辯獻大夫乃布席布席然後薦之繼賓以西東上言其薦之次也其席亦如之卒謂薦畢也以上主人獻大夫

席工于西階上少東樂正先升北面立于其西小臣納工工四人二瑟小臣左何瑟面鼓執越內弦右手相入升自西階北面

東上坐小臣坐授瑟乃降

何相並去聲

樂正于天子爲樂師諸侯有大小樂正此蓋其小者工四人者燕禮輕樂不備也面鼓而其可鼓者于前越瑟下孔內絃使便于鼓以右手相樂工待其坐定小臣授瑟乃皆降也

工歌鹿鳴四牡皇皇者華

三詩皆周公所制以燕臣下合樂曰歌詩歌義見鄉飲酒禮

卒歌主人洗升獻工工不興左瑟一人拜受爵主人西階上拜送爵薦脯醢使人相祭卒爵不拜主人受爵眾工不拜受爵坐祭遂卒爵辯有脯醢不祭主人受爵降奠于篚

洗爵以致其潔工不興惟一人拜受爵一人其長者工祭脯醢使人相之卒爵不拜不拜受爵以其替略之

公又舉奠觶唯公所賜以旅于西階上如初卒

燕禮主于盡歡工既鼓瑟而歌則樂賓之意已著奠取臣皆歡飲而又恐不盡然也故公又舉奠解賜一二人以見其端

如初如前旅大
大禮卒事畢也

笙入立于縣中奏南陔白華華黍

縣同懸陔工才反白華音花

縣中懸磬之中央也

主人洗升獻笙于西階上一人拜盡階不升堂受爵降主人拜送爵階前坐祭立卒爵不拜既爵升授主人俎笙不拜受爵降坐祭立卒爵辯有脯醢不祭

洗別洗爵獻笙者一人其長者先獻之而後始笙

乃閒歌魚麗笙由庚歌南有嘉魚笙崇丘歌南山有臺笙由儀遂歌鄉樂周南關雎葛覃卷耳召南鵲巢采芣采芣

間古覓反麗力移反

雖七徐反覃大南反卷九轉反召上照反蘋音頻

御案合樂而云歌者果音並作究以人聲為主也

大師告于樂正曰正歌備樂正由楹內東楹之東告于公乃降復位。

大師樂官之長故告樂正以正歌備使告于公樂正初入卽位于西階東北面由楹內行以告于公仍復本位以上以樂

賓樂

射人自阼階下請立司正公許射人遂爲司正。

君將留羣臣飲竝下及士故立司正以相其禮燕禮不主于射故射人爲橫又爲司正

司正洗角觶南面坐奠于中庭升東楹之東受命西階上北面命卿大夫君曰以我安卿大夫皆對曰諾敢不安。

司正洗觶坐奠于中庭者明君留飲之意東楹之東受命于君乃述于卿大夫言君命已安賓皆對以不敢不安

司正降自西階南面坐取觶升酌散降南面坐奠觶右還北面少立坐取解興坐不祭卒觶奠之興再拜稽首左還南面坐取

解洗南面反奠于其所

司正先飲以導賓故降階南面取解升酌散爵而奠之右還少立以致嚴候乃坐取解而飲又左還南面取解洗之仍南面奠于其所以上立司正

升自西階東楹之東請徹俎降公許告于賓降賓北面取俎以出膳宰徹公俎降自阼階以東卿大夫皆東面北上

從御案降字在告

于賓

御案凡請于君者皆自阼階下此司正請安賓與請徹俎皆于東楹之東者既受賓之命當以辨命于堂既承徹俎之許亦當以告于賓二者皆將有事于堂上故與他禮異也徹俎下降字當在告于賓下傳寫者誤耳司正降賓自徹俎以出膳宰徹公俎降自阼階君物別于諸臣且賓已親徹此亦若君親徹也此記徹俎

賓反入及卿大夫皆說屨升就席公以賓及卿大夫皆坐乃安

說吐活反

乃安者君留賓而賓皆就席公乃安坐然則未說屢升席以前公雖未離席而猶有未安之形以俟賓也 御案詩曰騶幅在下先以邪幅纏足而後納屨雖脫屨未爲跣矣然少儻云凡祭于室中堂上無跣燕則有之不跣者敬也燕則有跣爲歡疑采菽所稱俟禮故詩歌之以爲榮若卿大夫則不爾故褚師聲子韞而登席乃爲君所恐也

羞庶羞大夫祭薦

鄭康成曰羞進也庶羞羣珍味可進者 御案祭薦之法常在祭酒之先故左執爵右祭脯醢其常也此禮大夫獻時未有席故祭酒于西階上卒爵而降逮乎辯獻而席席而薦薦而升席則已無復執爵之事矣故至此乃祭之敖氏繼公曰獻時不得祭薦故至是乃爲之必祭之者宜終此禮然後可以食庶羞也

司正升受命皆命君曰無不醉賓及卿大夫皆興對曰諾敢不醉皆反坐

郝氏敬曰受命受君命皆命以君命徧命之君曰無不醉命辭也 御案安賓時對不言興又下不言反坐其時賓諸公卿大夫皆立也至此則皆坐矣無坐而受君命之理故興降席而對君謂仁而臣獨恭也司正于是降而復位以上說興

升坐

主人洗升獻士于西階上士長升拜受觶主人拜送觶士坐祭

立飲不拜既爵其他不拜坐祭立飲

今文解作觶

李氏如圭曰士堂上無位故燕坐乃獻之郝氏敬曰士長士尊者他謂長以下

乃薦司正與射人一人司士一人執冪二人立于觶南東上

上文射人遂爲司正則司正即射人矣此又言射人者蓋射人不止一人以其與司士執冪者皆爲士而有執事故當將獻士時均先薦之此但言薦耳若獻之則仍與士序

辯獻士士既獻者立于東方西面北上乃薦士

辯獻士則司正等亦在其中既畢獻之乃薦于其位立于東方卿位本東方西面今卿升堂位空故士得卽東方位卿大夫既獻皆變而位于上故士亦既獻而變其位于東東方稍近于君立于此所以優之

祝史小臣師亦就其位而薦之

祝史小臣亦士也次士獻之祝史位在門東小臣師在東堂下故不變也

主人就旅食之尊而獻之旅食不拜受爵坐祭立飲

士賤故就旅舍之爵不洗而獻之不拜受爵以其未洗亦使之得略其禮也以上主人獻士

若射則大射正爲司射如鄉射之禮

或射或不射惟君所命故云若也如鄉射之禮言其大概相同亦有不同者蓋燕以樂賓爲主非如鄉飲之必謹而詳也此記射

賓降洗升媵觶于公酌散下拜公降一等小臣辭賓升再拜稽首公答再拜賓坐祭卒爵再拜稽首公答再拜賓降洗象觶升酌膳坐奠于薦南降拜小臣辭賓升成拜公答再拜賓反位

公既惠羣臣則臣亦當報君故賓降洗爵而媵于公爵無餽已散觶君所用也散以自飲賓拜稽首而送爵公亦降等拜皆賓之也賓升則公亦升可知賓坐祭卒爵乃洗象觶升酌位酌膳降拜小臣辭賓升成拜公答拜而賓反位

公坐取賓所饌解與唯公所賜受者如初受酬之禮降更爵洗升酌膳下拜小臣辭升成拜公答拜乃就席坐行之有執爵者唯受于公者拜

解即觴也公取賓所饌之解以酬羣臣示崇禮不倦之意唯公所賜則不辭及矣受賜者如初受酬之禮降者蓋大夫公坐而酌酒受賜者則必降更爵洗升而酌膳成拜乃坐而飲酒惟受于公者拜其餘不拜也坐而行酒故必有執爵者代之酌授

司正命執爵者爵辯卒受者興以酬士大夫卒受者以爵與西階上酬士士升大夫奠爵拜士答拜大夫立卒爵不拜實之士拜受大夫拜送士旅于西階上辯士旅酌卒

公坐勸酒惟及大夫不及士以士在堂下也既酌大夫司正乃命執爵者辯及士大夫之卒受爵者執爵以興于西階上酬士士升堂大夫奠爵拜大夫卒爵飲不拜者自以導飲也既飲又實爵士拜受大夫拜而送爵凡士皆旅于西階上辯

士以次自酌相酬卒
事以上公爲士舉旅

主人洗升自西階獻庶子于阼階上如獻士之禮辯降洗遂獻
左右正與內小臣皆于阼階上如獻庶子之禮

庶子卿大夫士之子張氏養浩曰以其眾謂之庶以其爲父
之副貳謂之倅以其受教于國學謂之國子以其未仕謂之
游倅庶子未受爵故後士君臣燕飲以洽情也今日之庶子
卽他日之卿大夫士故凡屬于庶子官者皆得與以觴禮焉
左右正與內小臣皆內官也獻庶子于阼階上變于其父所
飲之處降洗而後獻左右正小臣者以其尊于庶子故更新
之也于阼階者從君之黨以
別內外以上獻庶子以下

無算爵士也有執膳爵者有執散爵者執膳爵者酌以進公公
不拜受執散爵者酌之以公命所賜

獻酬已畢羣盡歡飲爲無算爵則士執爵或執膳爵或執散
爵執膳爵者進于公公不拜受士賤于大夫也執散爵者酌
之以公命所
賜而授之

所賜者興受爵降席下奠爵再拜稽首公答拜受賜爵者以爵就席坐公卒爵然後飲執膳爵者受公爵酌反奠之受賜爵者興授執散爵執散爵者乃酌行之

所賜者興受爵降席奠爵再拜君賜公亦答拜受賜爵者受爵不即飲必俟公卒爵然後飲執膳爵者受公爵酌而反奠之俟公命賜何人受賜爵者既飲興授執散者以爵執散爵者乃酌飲公所未賜者

唯受爵于公者拜卒受爵者興以酬士于西階上士升大夫不拜乃飲實爵士不拜受爵大夫就席士旅酌亦如之

唯受爵于君者拜餘相酬皆不拜士飲大夫然相旅酌亦然禮殺也

公有命徹寢則卿大夫皆降西階下北面東上再拜稽首公命小臣辭公答再拜大夫皆辟遂升反坐士終旅于上如初

辟音避

公如命人徹兩甒之幕是欲與羣臣同飲此酒則卿大夫皆降西階下再拜謝君之意公命小臣辭亦必終降下拜者人

取且守臣子拜下之禮雖醉而登恭也士不拜者康不敢與君爲禮然公命盡歡則不敢不從也故大夫下拜而升反坐士亦升而旅飲

無算樂

于此時也曾無算樂亦無算君臣略分同歡之意

宵則庶子執燭于阼階上司宮執燭于西階上甸人執大燭于

庭闈人爲大燭于門外

甸大練反闈音昏

或宵未燕畢則設燭御案阼階上者爲公燭也庶子時入直宿衛故主之西階者爲賓燭也司宮掌寢故主之庭者爲士若旅食燭也甸人掌薪蒸故主之門外者爲賓出燭也司闈掌出入故主之門外之燭曰爲蓋樹而不執燭以荆煇爲燭未燕日燋在地日燎執之曰燭范氏處義曰湛露有厭厭夜飲不醉無歸之語則燕不嫌于久愚按陳公子完辭夜飲蓋爲一人非行燕禮以上無算爵

賓醉北面坐取其薦脯以降奏陔賓所執脯以賜鍾人于門內

雷遂出卿大夫皆出公不送

賓醉則不敢留取所薦之脯以降而出賜鍾人賓至于階奏陔夏鄭康成謂鍾人掌以鍾鼓奏九夏今奏陔以節己用賜脯以報之是也燕禮輕于饗故不歸俎不送君燕臣始不迎故亦不送也此言賓出

公與客燕曰寡君有不腆之酒以請吾子之與寡君須臾焉使某也以請對曰寡君君之私也君無所辱賜于使臣臣敢辭寡君固曰不腆使某固以請寡君君之私也君無所辱賜于使臣臣敢固辭寡君固曰不腆使某固以請某固辭不得命敢不從致命曰寡君使某有不腆之酒以請吾子之與寡君須臾焉君脫寡君多矣又辱賜于使臣臣敢拜賜命

腆天典反使臣之使師異反

鄭康成曰客四方之使者禮使人各以其爵寡寡德謙辭腆善也上介出請事客對辭以不敢當私私屬之臣再辭不可至三次則許而拜賜命此言公與客燕

記燕

後儒雜記經文之所未備

朝服于寢其牲狗也亨于門外東方

朝直遙反亨普庚反

朝服冠玄端緇帶素鞶白舄也臣白屨大夫惟以雜帶玄黃爲異敖氏繼公曰門外東方爨所在也故于焉亨之古者寢廟之門外皆有爨吉則在東凶則在西此記服與燕所及牲

若與四方之賓燕則公迎之于大門內揖讓升賓爲苟敬席于阼階之西北面有胾不啻肺不啻酒其介爲賓無膳尊無膳爵

燕四方來聘之臣亦膳宰爲主人但公迎之于大門內以別于己臣不于門外別于朝賓迎者迎其正使賓爲苟敬則其上介也君既命膳宰爲主人則亦以賓之上介爲賓相與行禮蓋優賓無使僕僕亟拜也介非正賓故云苟敬苟且也以其暫爲賓而以敬將事名之胾折俎也不啻肺不啻酒亦如賓然所以優之膳尊瓦缶膳爵象解非與君行禮故殺之此記燕四方之賓

與卿燕則大夫爲賓與大夫燕亦大夫爲賓

不以所與燕者爲賓而別立賓者燕客主于盡歡心優賓不使同于己臣公父文伯飲南宮敬叔酒以路堵父爲客卽此意不以卿者以其太尊不便于獻士庶子以下也與大夫燕亦以大夫者以士不得有席于堂也此記爲賓者

羞膳者與執事者皆士也羞卿者小膳宰也

賈氏公彥曰經直云執事者與羞膳者不辨其人故記者記之

若以樂納賓則賓及庭奏肆夏賓拜酒主人答拜而樂闋公拜受爵而奏肆夏公卒爵主人升受爵以下而樂闋升歌鹿鳴下

管新宮笙入三成遂合鄉樂若舞則勺闋曲雪反勺音灼

若者不定之辭或以樂或不以樂也肆夏樂章今亡及庭而奏尊賓也拜酒答拜時而樂闋以其爲獻禮一節之終也公受爵而又奏肆夏以樂賓且爲賓主之節升受爵以下而樂闋獻禮之終也升歌鹿鳴下管吹新宮以和之新宮詩亦亡三成三終也鄉樂周南召南言遂者不閒也或有舞則舞勺勺詩亦亡燕賓之樂與鄉射禮大同小異要以燕主于樂賓

故其禮節稍略也
此記燕之樂舞

惟公與賓有俎

敖氏繼公曰經文已明記復言之者嫌所
與燕者或常有俎如異國之賓也此記俎

獻公曰臣敢奏爵以聽命

敖氏繼公曰奏進也命君受與否之命鄭康
成曰不敢必君受之也此記授公爵之辭

凡公所辭皆栗階凡栗階不過二等

栗越也公賜下拜臣急趨君命其始升也聚足連步前足躍
一等而後足從之至階之上二等則左右足各一發而升堂
越等而上曰栗階諸侯之堂七尺
凡一尺爲一階此記栗階之節

凡公所酬既拜請族侍臣

鄭康成曰既拜謂自酌升拜時擯者阼階下告于公還西階
下告公許請族請行酒于羣臣必請者不專惠也侍臣侍飲
之臣此記受公
酬者請族之節

凡薦與羞者小膳宰也有內羞

御案薦君使士薦賓使膳宰經有明文羞膳羞卿上既言之此爲大夫以下發也薦賓者膳宰則羞賓者亦膳宰與經惟言請羞于諸公卿者未言其人又不言薦卿及薦大夫羞大夫之人故記之內羞房中之羞庶羞之外又有房中之羞猶無算樂之外又有房中之樂此記薦與羞者及內羞

君與射則爲下射袒朱襦樂作而後就物小臣以巾授矢稍屬不以樂志既發則小臣受弓以授弓人上射退于物一筈既發則答君而俟若飲君燕則夾爵君在大夫射則肉袒

與音預襦人于反屬

章欲反筈古我反又古老反

故氏繼公曰言與射則君子燕射或時有不與矣稍屬者稍與發矢相連屬說又見鄉射禮志識通不以樂之節爲議而必欲應之亦優君也受弓以授弓人蓋卒射之事也上射退于物以下皆見鄉射禮此記公射之事

若與四方之賓燕賡爵曰臣受賜矣臣請贊執爵者相者對曰

吾子無自辱焉有房中之樂

相息亮反

鄭康成曰受賜謂公歸者酬之也至燕射後賓降洗升展解于公贊佐也相者告公以公命辭之二南爲房中之樂亦奏之于房別于堂上堂下之樂陳氏陽曰漢書云漢有房中祠樂梁書曰周備六代之樂至秦餘韶武房中而已由是推之房中之樂自周至于秦漢蓋未嘗廢其所異者特秦更爲壽人漢更爲安世魏更爲正世至晉復爲房中也此記與四方賓燕之辭及樂

總論燕以示慈惠而君臣尊卑之分未嘗不嚴爲分別所以不失之疎而亦不失之褻然升降羞俎等儀有不可通行于後世者必拘拘泥視以古例今亦見其惑矣讀者宜善會之

儀禮恆解卷之六終

儀禮恆解卷七

大射儀

天子諸侯無事而習射則于賓射燕射鄉射故曰大射燕記射義云天子將祭必先習射于澤宮澤宮養士之所將祭士得以觀禮如後世天子臨雍計士人觀禮故習射于此中多者始得與于祭耳非謂諸侯公卿大夫必以此繩之且祭祀自太宰贊大司徒奉牛牲以下皆有常職不容臨時而易畿外諸侯來朝因得助祭西雝之客亦得觀禮豈以其射不中而斥之乎意天子諸侯之射則名大射而將祭亦有時習射大夫士亦或有之此篇特記天子之射也

大射之儀

古人造士之法首重六德六行其次六藝射特六藝之一耳然必內志正外體直比禮比樂而能命中者乃爲賢蓋必平日服習于禮樂涵養其中和而後能之非可以臨時猝辦自大夫以下或儀容命中皆不如法或亦不許與祭耳此篇之儀特其器具及揖讓周旋之文焉

君有命戒射。宰戒百官有事于射者。射人戒諸公卿大夫射。司士戒士射。與贊者前射三日。宰夫戒宰及司馬射人宿視滌。

釋反

云君有命戒射則有時祭亦不射而天子諸侯習射則爲大射不必盡因祭而始射也。戒射先戒以將射而冢宰乃遍百官下及于士云有事于射則容有不與于射者贊者佐禮之人司馬射人皆執事于射者滌既器掃除射宮也。此戒百官司馬命量人量侯道與所設乏以狸步大侯九十參七十千五十設乏各去其侯西十北十。

同

量人掌丈量者敖氏繼公曰侯道侯去物之步數所畫物在兩楹間正當楣此時未有物當以楣間爲節步量器長六尺者之名如丈尺尋引之類刻畫狸形于上故曰狸步大侯天子之侯參侯臣之侯臣何敢與君參而射則必設侯等千君故名參侯九十七十五其步數也臣卑于君故步亦遜之千狩侯乏一名容獲者所以容身而禦矢西十北十或西或

北皆去侯
十步也

遂命量人巾車張三侯大侯之崇見鵠于參參見鵠于干干不
及地武不繫左下綱設乏西十北十凡乏用革

見賢徧反鵠姑
沃反繫吉詣反

又胡
計反

巾車于天子爲宗伯之屬使張侯者侯亦巾類崇高也量人
先計其尺寸及張之則遠侯皆見其鵠于近侯之上射必中
鵠故見其鵠于外乃便于射及至也武述也中人之足長尺
二寸干侯不及地步則干侯方三尺三寸少半寸也大侯去
地二丈二尺五寸少半寸參侯去地一丈五寸少半寸大侯
侯大而遠者則高小而近者則下乃自然之勢亦以此別尊
卑三侯皆以左爲尊不繫左綱者以事未至也乏去侯西北
皆六丈又云然者前特量人量之而此則設之也前射三日
張侯設乏欲使射者
豫識焉以上張侯

樂人宿縣于阼階東笙磬西面其南笙鍾其南鑼皆南陳建鼓
在阼階西南鼓應鼙在其東南鼓西階之西頌磬東面其南鍾

其南鑪皆南陳一建鼓在其南東鼓朔聲在其北一建鼓在西
階之東南面鑪在建鼓之間鼓倚于頌磬西紃縣音懸鑪音博
擊食倪反頌如

字古文頌爲庸鑪情朗反
音蕩發音桃紃戶耕反

宿縣前一日縣之也鄭康成曰凡縣鍾磬半爲堵全爲肆有
鍾有磬爲全鑪如鍾而大奏樂以鼓鑪爲節御案編鍾磬
之法用木爲虞以紃繫于鍾磬而綴于虞凡十六枚爲一肆
蓋以十二應律別加四清以備短律爲宮之用也鍾磬之外
有鑪有聲有鼓鑪鼓亦皆有虞而縣之但縣一而已而鼓又
載之于附以其體大徒綴于虞慮不能任也磬外面爲股內
面爲鼓西面者鼓在西面擊者東面也鍾鑪面有二故不言
西面擊之者亦與磬同建猶樹也以木貫而載之樹之于附
南鼓南其所伐之面擊小鼓應聲應朔聲也先擊朔聲應聲
應之敖氏繼公曰此鼓擊乃在東縣南者也以君于阼階東
南揖大夫且主人之位亦在洗北皆當鑪之南故移于此以
辟之賈氏公彥曰下西面北面建鼓皆在本方故言一見其
無他鼓也此鼓本東方而移來北方故不言一頌之言謫也
與歌相應故曰頌亦有頌鍾朔聲一名棘鼓以其先鼓故曰
朔以其引鼓故曰棘國君合有三面陳于東方西方與階間
因避射之故去其阼間之縣但設其鼓于故位而已蓋此處

無縣故不擊此鼓簫竹也謂笙簫之屬所謂管也倚于堂故
在建鼓之間鼓小鼓兩旁有耳持其柄而搖之以奏樂絃索
磬鍾者設鼓于磬兩
倚于絃也此記縣

厥明司宮尊于東楹之西兩方壺膳尊兩甒在南有豐罍用錫
若絺綴諸箭蓋罍加勺又反之皆玄尊酒在北無音武罍迷釋反綴竹衡反今

文錫或作絺絺或作裕古文箭作晉

鄭康成曰膳尊君尊也後陳之尊之也豐以承尊似豆大而
卑罍覆尊巾也錫細布絺細葛箭簫也為罍蓋卷辟綴于櫨
橫之也又反之為覆勺也皆玄尊二者皆有玄酒之尊酒在
北尊統于君南為上也唯君面尊言專惠也敖氏繼公曰罍
橫綴于箭而從蓋于甒勺亦從加于罍上西枋與箭而午乃
以餘罍反蓋于勺亦為座之著于勺也蓋以君飲此酒故慎
重之如是

尊士旅食于西鑄之南北面兩圓壺又尊于大侯之乏東北兩

壺獻酒

國音圓獻如字

鄭康成曰爵壺變于方也鑄甬有建鼓不日鼓甬而曰鑄甬者圖壺在地取節于其下者大侯之乏東北壺所以獻車練僕人之酒此尊俟時而設經因文而連及之壺亦圖壺

設洗于阼階東南罍水在東筐在洗西南陳設膳筐在其北西

面又設洗于獲者之尊西北水在洗北筐在南東陳

罍音雷

在東當東雷也餘竝與燕禮同獲者之尊亦俟時而設經亦因上文連及之獲者服不之屬爲獲者亦設洗雖于賤者必潔敬也

小臣設公席于阼階上西鄉司宮設賓席于戶西南面有加席

卿席賓東東上小卿賓西東上大夫繼而東上若有東面者則

北上席工于西階之東東上諸公阼階西北面東上

鄉許亮反下同

賓右加席則公可知加席蒲筵加莞席公與賓之席先布之餘俟時乃設之此特因公與賓席而連及之耳若有東面者容或人多也按此有公有卿則天子之禮而諸侯亦以是而差諸侯則卿即上中大夫也大夫與卿竝東上者統于君之

尊也

官饌

官各具其饌賈氏公彥曰燕禮膳宰
解此言官見非獨膳宰以上陳設

羹定射人告具于公公升卽位于席西鄉小臣師納諸公卿大夫諸公卿大夫皆入門右北面東上士旅食者在士南北面東上小臣師從干侯之東北北面東上士旅食者在士南北面東上小臣師從者在東堂下南面西上大史音秦
從才用反

射必先行燕禮故羹熟射人告具公乃卽位而小臣師乃納羣臣服不氏主獲大史主釋獲此時事未至故立于干侯東北士旅食者在士南爲有侯故入庭深也小臣師正之佐

公降立于阼階之東南南鄉小臣師詔揖諸公卿大夫諸公卿大夫西面北上揖大夫大夫皆少進

詔揖諸公卿大夫總言小臣師相禮之事言諸亦統詞言公卿諸大夫皆揖皆西面北上而下文言惟君揖大夫則大夫少進必待諸公卿上而後上此亦統言其禮其實卿大夫皆未上也以上卽位

大射正擯

羣臣既上之後則大射正爲擯言大射正別于司射御案周官射人以下大夫爲上上士次之諸侯之官降等則大射正其上士歟

擯者請賓公曰命某爲賓擯者命賓賓少進禮辭反命又命之賓再拜稽首受命擯者反命賓出立于門外北面

擯者請命一人爲賓公命某賓禮辭又命之則稽首受命出立于門外北面以俟

公揖卿大夫升就席小臣自阼階下北面請執冪者與羞膳者乃命執冪者執冪者升自西階立于尊南北面東上膳宰請羞于諸公卿者

公揖卿大夫公亦在其中至此乃升就席小臣請命何人執
事與羞膳而公命之執事者乃升自西階立于尊南幣牢又
請羞于諸公卿者而公亦命之以上命賓及執事者

擯者納賓賓及庭公降一等揖賓賓辟公升即席辟音避

凡受公禮者皆辟經不盡言
文略也辟不敢當公禮也

奏肆夏

敖氏繼公曰晉侯享穆叔金奏肆夏之三穆叔曰天子所以
享元侯也此蓋惟奏肆夏而不及繁遏渠辟天子之禮孔氏
穎達曰此禮以臣爲賓故及庭始奏肆夏
若鄰國君來入門卽金奏也以上賓入

賓升自西階主人從之賓右北面至再拜賓答再拜

鄭康成曰主人宰夫也御案燕禮云主人亦升自西階明
代主不敢由阼此云主人從之明代主不敢先升義相備也
此拜至

主人降洗洗南西北面賓降階西東面主人辭降賓對主人北

面盥坐取觚洗賓少進辭洗主人坐奠觚于篚與對賓反位主人卒洗賓揖升主人升賓拜洗主人賓右奠觚答拜降盥賓降主人辭降賓對卒盥賓揖升主人升坐取觚執冪者舉冪主人酌膳執冪者蓋冪酌者加勺又反之

此與燕禮略同敖氏繼公曰主人取風適尊所執冪者則進而發其冪之反者主人取勺執冪者乃舉冪又反之亦執冪者爲之反之覆勺也

筵前獻賓賓西階上拜受爵于筵前反位主人賓右拜送爵

鄭康成曰賓既拜于筵前受爵退復位

宰胥薦脯醢賓升筵庶子設折俎

鄭康成曰宰胥宰官之吏不使膳宰薦不主于飲酒不使膳宰設俎皆變于燕也

賓坐左執觚右祭脯醢奠爵于薦右興取肺坐絕祭臠之興加

于俎坐執手執爵遂祭酒興席末坐啐酒降席坐奠爵拜告旨

執爵興主人答拜樂闋賓西階上北面坐卒爵興坐奠爵拜執

爵興主人答拜

闋曲雪反

樂以樂賓賓齊肺啐酒告旨而後樂闋此時歌工未入則樂止金奏耳賓既受獻執爵以興將酢主人以上主人獻賓

賓以虛爵降主人降賓洗南西北面坐奠觚少進辭降主人西

階西東面少進對

賓以虛爵降將盥洗主人亦降賓辭其降而主人對以當降遂反位放氏繼公曰西階西非主人堂下之正位以從降暫立于此不言反位文省賓必西北面者以主人在西階西宜鄉之也

賓坐取觚奠于篚下盥洗主人辭洗賓坐奠觚于篚興對卒洗

及階揖升主人升拜洗如賓禮賓降盥主人降賓辭降卒盥揖

升酌膳執帛如初以酢主人于西階上主人北面拜受爵賓主

人之左拜送爵

鄭康成曰賓南面授爵乃于左拜凡授爵鄭所受者

主人坐祭不啐酒不拜酒遂卒爵興坐奠爵拜執爵興賓答拜主人不崇酒以虛爵降奠于篚

鄭康成曰不崇酒辟正主也

賓降立于西階西東面擯者以命升賓賓升立于西序東面

御案西階西者賓降階之正位宰夫爲獻主不可由阼故其降階亦立于是鄭康成曰命公命也以上賓酢主人

主人盥洗象觚升酌膳東北面獻于公公拜受爵乃奏肆夏主人降自西階阼階下北面拜送爵宰胥薦脯醢由左房庶子設折俎升自西階公祭如賓禮庶子贊授肺不拜酒立卒爵坐奠爵拜執爵興主人答拜樂闋升受爵降奠于篚

主人盥洗象觚升酌膳東北面獻公拜受爵奏肆夏以侑爵
主人降拜送爵薦薦醴設折俎公祭卒爵坐奠爵拜以謝賓
執爵興主人升受爵
奠于篚此主人獻公

更爵洗升酌散以降酢于阼階下北面坐奠爵再拜稽首公答
拜主人坐祭遂卒爵興坐奠爵再拜稽首公答拜主人奠爵于
篚

更爵不敢徑用公爵散卽
所更之爵也此主人自酢

主人盥洗升腰觚于賓酌散西階上坐奠爵拜賓西階上北面
答拜主人坐祭遂飲賓辭卒爵興坐奠爵拜執爵興賓答拜主
人降洗賓降主人辭降賓辭洗卒洗賓揖升不拜洗主人酌膳
賓西階上拜受爵于筵前反位主人拜送爵賓升席坐祭酒遂
奠于薦東主人降復位賓降筵西東南面立腰異
證反

腰觶于賓禮以君之爵也賓不用之故又酌散爵即散也其義見燕禮此主人酬賓

小臣自阼階下請腰爵者公命長小臣作下大夫二人腰爵長

反丈

賈氏公彥曰取下大夫尊卑處中者

腰爵者阼階下皆北面再拜稽首公答拜腰爵者立于洗南西面北上序進盥洗角觶升自西階序進酌散交于楹北降適阼階下皆奠觶再拜稽首執觶興公答拜腰爵者皆坐祭遂卒觶興坐奠觶再拜稽首執觶興公答再拜腰爵者執觶待于洗南

御案言降適阼階下謂降自西階乃東行而適阼階下也餘見燕禮

小臣請致者若命皆致則序進奠觶于篚阼階下皆北面再拜稽首公答拜腰爵者洗象觶升實之序進坐奠于薦南北上降

適阼階下、皆再拜稽首送觴、公答拜、

說見燕禮

媵爵者皆退反位、

鄭康成曰反門右北面位以上媵觴于公

公坐取大夫所媵觴、興以酬賓、賓降、西階下、再拜稽首、小臣正饔餼、賓升成拜、公坐奠饔、答拜、執觴興、公卒觴、賓下拜、小臣正饔、賓升、再拜稽首、公坐奠饔、答拜、執觴興、賓進受虛饔、降奠于篚、

正長也燕直使小臣此使小臣之長公自飲乃旅羣臣而賓主其禮

易觴、興洗、公有命則不易不洗、反升酌膳下拜、小臣正饔、賓升、再拜稽首、公答拜、賓告于擯者、請旅、諸臣、擯者告于公公許、

賓坐而奠篚故易觴而興賓以君所賜獨飲諸臣廣君之賜故告擯以請于公而公許之

賓以旅大夫于西階上、擯者作大夫長升受旅賓大夫之右坐奠觶拜執觶興大夫答拜賓坐祭立卒觶不拜若膳觶也則降更觶洗升實散大夫拜受賓拜送遂就席

御案賓就席者既以其爵酬人則已無事矣此詳燕禮之所未及

大夫辯受酬如受賓酬之禮不祭酒卒受者以虛觶降奠于篚

復位

辯音徧下同

御案燕禮不言復位此詳之卿復西面北上之位大夫復庭中北面之位以上公爲賓舉族

主人洗觶升實散獻卿于西階上司宮兼卷重席設于賓左東上卿升拜受觶主人拜送觶卿辭重席司宮徹之乃薦脯醢卿升席庶子設折俎卿坐左執爵右祭脯醢奠爵于薦右興取脯坐絕祭不嚙肺興加于俎坐挽手取爵遂祭酒執爵興降席西

階上北面坐。卒爵興，坐奠爵，拜執爵興。主人答拜受爵。卿降復

位。卷舉遠反。重直容反。

大射燕卿有俎，蓋重于燕。敖氏繼公曰：不嘖肺，自貶于賓，復位復西面位。

辯獻卿。主人以虛爵降奠于篚。擯者升卿，卿皆升就席。若有諸公，則先卿獻之。如獻卿之禮。席于阼階西北面東上，無加席。先細

宴反。

御案卿以次受獻，不以次就席者，以其同班故相需而後就席也。大夫之就席也亦然。以上主人獻公卿。

小臣又請媵爵者。二大夫媵爵如初。請致者若命長致，則媵爵者奠解于篚。一人待于洗南。長致者阼階下再拜稽首。公答拜。洗象解，升實之，坐奠于薦南。降，與立于洗南者二人皆再拜稽首。送解，公答拜。長知文反。下竝同。

此再賤
解于公

公又行一僇若賓若長唯公所賜以旅于西階如初大夫卒受者以虛解降奠于簠

君又爲公卿舉旅唯公所賜則或及大夫故言大夫卒受者以虛解降奠于簠若無大夫則卿亦虛解奠于簠可知矣

主人洗觚升獻大夫于西階上大夫升拜受觚主人拜送觚大夫坐祭立卒爵不拜既爵主人受爵大夫降復位

公又爲大夫舉旅復位復庭中北面東上之位

胥薦主人于洗北西面脯醢無胥辯獻大夫遂薦之繼賓以西

東上若有東面者則北上卒擯者升大夫大夫皆升就席胥支

胥宰胥也胥薦主人主人乃辯獻大夫卒獻畢也擯者乃總升之就席就席乃薦之此主人獻大夫

乃席工于西階上少東小臣納工工六人四瑟

鄭康成曰六人大師少師各一人上工四人
敖氏繼公曰大射差重于燕加瑟者二人

僕人正徒相大師僕人師相少師僕人土相上工相者皆左何

瑟後首內弦挈越右手相

相息亮反下同大音泰少詩召反下
大師少師同何胡可反挈口孤反

鄭康成曰徒空手也僕人正僕人之長師其佐也士其吏也
上工即上瞽周官上瞽四十人相上工者則何瑟等事不徒
也手也

後者徒相入小樂正從之升自西階北面東上坐授瑟乃降

入時工在前大師少師在後故
云後者相工者授之以瑟乃降

小樂正立于西階東乃歌鹿鳴三終

敖氏繼公曰鹿鳴三終鹿
鳴之什三篇篇各一終也

主人洗升實爵獻工工不興左瑟一人拜受爵主人西階上拜
送爵薦脯醢使人相祭卒爵不拜主人受虛爵眾工不拜受爵

坐祭遂卒爵辨有脯醢不祭主人受爵降奠于俎復位

惟獻太師洗爵一人卽大師也相祭及不拜以其贊也

大師及少師上工皆降立于鼓北羣工陪于後

敖氏繼公曰鼓北鑄南也羣工眾樂御案縣時鼓鑄之間稍離之自足爲位且縣亦不東偏堂塗則雖取節于鼓而立者猶當鼓之東北也相者各立于所相者之側同面而稍後

乃管新宮三終卒管大師及少師上工皆東坫之東南西面北上坐

管吹新宮三終其實不傳矣禮主于射故樂略卒管大師少師及眾工皆之東坫之東南西面北上坐以上樂工及管歌事

擯者自阼階下請立司正公許擯者遂爲司正

御案時方將射未有酒事卽立司正者以當安賓故也

司正適洗洗角觶南面坐奠于中庭升東楹之東受命于公西階上北面命賓諸公卿大夫公曰以我安賓諸公卿大夫皆對曰諾敢不安司正降自西階南面坐取觶升酌散降南面坐奠觶興右還北面少立坐取觶興坐不祭卒觶奠之興再拜稽首左還南面坐取觶洗南面反奠于其所北面立運音旋

君將射而安賓謙也以我安以我之故久雷諸臣慰以安位也司射洗觶奠觶卒觶養以公命安賓之意以上立司正

司射適次袒決遂執弓挾乘矢于弓外見鏃于弣右巨指鈎弦自阼階前曰爲政請射遂告曰大夫與大夫士御于大夫挾子協反

乘繩證反見賢徧反鏃子木反附音撫

司射大射正也次若今更衣處張幃席爲之弣弓把敖氏繼公曰次耦次也射則張耦次執弓左手執弣也挾乘矢于弓外挾四矢而矢在弦弣之外也見鏃于弣明其指間前後之節右巨指鈎弦所謂挾弓也爲政者司馬也司馬主射禮階

前北面曰于公曰請爲政者請射若己不敢專其事也御倭也大夫與大夫爲耦大夫不足于耦則士足之士禮故言倭此請射

遂適西階前東面右顧命有司納射器

賈氏公彥曰鄉射西階前西面命弟子納射器此東面者君在阼宜向之敖氏繼公曰東面右顧者爲有司在南也此下有與鄉射禮同者不重釋之

射器皆入君之弓矢適東堂賓之弓矢與中籌豐皆止于西堂下眾弓矢不挾總眾弓矢楅皆適次而俟

鄭康成曰中間中也豐可莫射爵者眾弓矢三耦及卿大夫以下弓矢也司射矢亦止西堂下敖氏繼公曰賓之弓與矢皆不在堂上遠下君也眾弓矢不挾以其多也總謂以物合而束之中籌豐在堂西楅在次各近其所設處也

工人士與梓人升自北階兩楹之間疏數容弓若丹若墨度尺

而午射正泄之數疏屋反度如之

鄭康成曰工人士梓匠人皆司空之屬能正方圓者一從一橫曰午謂畫物也敖氏繼公曰北階北堂之階兩楹之間言當楹也疏數猶廣狹言二物從畫相去廣狹之數也度尺以尺爲度也午如十字然射事至乃畫物亦君禮異也射正升降蓋自西階此射正其小射正與大射正二人是時一爲司正一爲司射

卒畫自北階下司宮婦所畫物自北階下

畫胡麥反

卒畫而婦所畫之物乃淨也以上納射器畫物

大史俟于所設中之西東面以聽政

大音泰下大史並同

敖氏繼公曰是時中與楹皆未設大史蓋南當洗西直西序之西面立御案大史位于侯之東北至此乃適西方小史亦從焉東面則北上春官大史職凡射事節中舍算執其禮事

司射西面誓之曰公射大侯大夫射參士射干射者非其侯中之不獲卑者與尊者爲耦不異侯大史許諾遂比三耦三耦侯

于次北西面北上

中竹用反比毘至反又筆倚反

誓猶告也不曰告而曰誓以君在有整齊約束之意御案
此再射以後之射法而先以誓于眾猶前之告耦亦再射以
後之耦法而先以告于公皆君禮異也卑者與尊者爲耦不
異侯賓與君爲耦同射大侯士與大夫爲耦同射參侯以其
既與尊者爲耦不可使之別侯別侯則非耦敖氏繼公曰三
耦皆士也亦司射前戒之故先立于此以待比侯于次北便
其入也此乃末比時之位
若既比則位于次中矣

司射命上射曰某御于子命下射曰子與某子射卒遂命三耦
取弓矢于次、

命之卽所謂比之三耦既取弓矢遂立于次中而西面北上
敖氏繼公曰命射下當有司馬命巾車量人繫左下綱及命
獲者倚旌于侯之事命三耦取弓矢當有三耦袒
決遂拾取弓矢之事文不具以上誓大史比耦

司射入于次搢三挾一个出于次西面揖當階北面揖及階揖
升堂揖當物北面揖及物揖由下物少退誘射

賈氏公彥曰此誘射與鄉射同但彼往階西取弓矢此入次
取弓矢爲異云入次搢三挾一个則以前皆挾乘矢敖氏繼

公曰由下物少退以其亦射大侯故不敢履下物辟君也此射三侯故不言祝侯中不在物故不言俯正足

射三侯將乘矢始射干又射參大侯再發卒射北面揖及階揖

降如升射之儀

射竝食亦反

誘射先射干侯干侯士也次及參侯大侯以其尊異之御案鄉射于卒射時南面揖揖如升時出物當物及揖之階也此則北面一揖既揖轉身南行至及物揖則南面已離于物不嫌也

遂適堂西改取一个挾之遂取扑摺之以立于所設中之西南

東面

扑普卜反

敖氏繼公曰降而遂適堂西則不由其所立位之南矣此射者不在堂西射位又不在西方故其儀與鄉射異云遂取扑則扑亦在堂西矣所設中之西南其南北亦南于洗而東西則直西番與此禮三耦之位任在東方故司射至是乃得定其位于此亦與鄉射異也以上誘射

司馬師命負侯者執旌以負侯負侯者皆適侯執旌負侯而俟

鄭康成曰司馬師正之佐也負侯獲者也天子服不氏下士一人徒四人掌以旌居乏待獲旌翻旌也旌先倚于侯凡負侯者皆適侯執旌負侯而侯

司射適次作上耦射司射反位

敖氏繼公曰東面作之既作之則反不俟其出

上耦出次西面揖進上射在左竝行當階北面揖及階揖上射先升三等下射從之中等上射升堂少左下射升上射揖竝行皆當其物北面揖及物揖皆左足履物還視侯中合足而侯還音統

御案鄉射射耦之發位爲東行則所謂上射在左者在北也至當階北面時必下射稍進乃得竝行其堂上之當物北面也亦然此耦之發位則爲西行所謂上射在左者在南也至當階北面則與鄉射同二經于此兩處必著其竝行以此司馬正適次袒決遂執弓右挾之出升自西階適下物立于物閒左執弣右執蕭南揚弓命去侯

敖氏繼公曰右挾之以右巨指鈎弦也適下物由上射後而
少南行南揚弓鄉負侯者也鄉射禮曰西南面立于物間揚
弓鄭康成曰命去
侯者將射當獲也

負侯皆許諾以宮趨直西及乏南又諾以商至乏聲止授獲者
退立于西方獲者興其而俟

鄭康成曰鄉射禮曰獲者執旌許諾敖氏繼公曰宮商皆謂
諸聲也宮大商小趨直西至乏南乃折而北不自侯西北行
者不敢由便也古人步趨有法司馬正授獲
者以旌退立于西方獲者既偃旌于地乃興

司馬正出于下射之南還其後降自西階遂適次釋弓說決拾

襲反位還音環一音患
說吐活反下同

此司馬不立位當如
鄉射立於司射之南

司射進與司馬正交于階前相左由堂下西階之東北面視上
射命曰毋射獲毋獵獲上射揖司射退反位乃射上射既發挾

矢而后下射射拾發以將乘矢獲者坐而獲舉旌以宮偃旌以

商獲而未釋獲

毋射食亦反拾其劫反古文釋爲舍

司射既命而反位上射下射乃以次而射中則舉旌不中偃旌

卒射右挾之北面揖揖如升射上射降三等下射少右從之中等並行上射于左與升射者相左交于階前相揖適次釋弓說決拾襲反位三耦卒射亦如之司射去扑倚于階西適阼階下北面告于公曰三耦卒射反摺扑反位

鄭康成曰右挾之右手挾弦御案無矢可挾故知挾弦北面揖亦指在物之揖其稍南及西行及階之揖則南面一耦射訖降則次耦升其降也並行但下射稍右適次而釋弓說決拾乃襲凡射者皆袒射畢故襲位次中之位三耦卒射皆然三耦皆卒射司射告于公去扑而後告者故氏繼公曰與尊者言不敢佩刑器也以上初射

司馬正袒決遂執弓右挾之出與司射交于階前相左升自西

階自右物之後立于物間西南面揖弓命取矢負侯許諾如初去侯皆執旌以負其侯而俟

出出于次也凡祖襲皆于次上不言司馬正適次此言出則可以知矣弓命以弓指命之取矢負侯卽獲者如初如前諾以商至乏聲止侯侯小臣取矢

司馬正降自西階北面命設楅小臣師設楅司馬正東面以弓爲畢既設楅司馬正適次釋弓說決拾襲反位

司馬正又降階命小臣設楅敖氏繼公曰畢所以指畫處置之器以木爲之長三尺此以弓代畢指當設楅之處故曰以弓爲畢

小臣坐委矢于楅北括司馬師坐乘之卒若矢不備則司馬正又袒執弓升命取矢如初曰取矢不索乃復求矢加于楅卒司馬正進坐左右撫之興反位乘繩證反索悉各反復扶又反

小臣取矢而委于楅司馬師坐而四四數之告于司馬正若矢不備則又命取之矢備矣司馬正乃左右燕之審定其數而興復位索盡也以上設楅取矢

司射適西階西倚扑升自西階東面請射于公公許

此再請射

遂適西階上命賓御于公諸公卿則以耦告于上大夫則降卽位而后告

命賓御于公主人與賓爲耦告公卿耦于堂上告大夫耦于堂下尊卑別也

司射自西階上北面告于大夫曰請降司射先降搢扑反位大夫從之降適次立于三耦之南西面北上

賈氏公彥曰以諸公卿在上故請大夫降鄉射大夫不降彼臣禮與此異也敖氏繼公曰三耦士也而在大夫之上者以其先射殊之御案云適次立于三耦之南則三耦先適次而立于次內之北偏明矣

司射東面于大夫之西，比耦。大夫與大夫，命上射曰：「某御于子。」
命下射曰：「子與某子射。」卒，遂比眾耦。眾耦立于大夫之南，西面。
北上。若有士與大夫爲耦，則以大夫之耦爲上，命大夫之耦曰：「
子與某子射。」告于大夫曰：「某御于子。」命眾耦如命三耦之辭。諸
公卿皆未降。比，昆志反。又，筆倚反。

公卿尊須事至乃降。上文以耦告公卿于上，則公卿之耦已定。此則比大夫士眾耦士也。以上比耦。

遂命三耦各與其耦拾取矢，皆袒決遂，執弓右挾之，一耦出西面揖，當楅北面揖，及楅揖，上射東面，下射西面。

敖氏繼公曰：拾取矢，謂取之于楅者也。司射既于次中東面，以次命之，卽反西方之位。御案耦自次出西行，又北行而後及楅，則次在楅之東南也。其折而北行處，則南直楅而遠北直楅而近。

上射揖進，坐橫弓，卻手，自弓下取一个，兼諸弣，興順羽，且左還。

毋周反面揖

還音旋下並同覆芳伏反

上射既取矢左還反位

下射乃進取矢橫弓南踞弓也時弓

以左手仰執弓裏以覆右手于弓表

向下取矢便也與不即

揖左還不周至東面而後揖

順羽者取矢時鏃在右手則羽

逆轉括之一端于右手而以鏃鄉位

則羽順賈氏公彥曰左

還反其位右還而反

東面是還不周也

下射進坐橫弓覆手自弓上取一个兼諸附興順羽且左還毋

周反面揖既拾取矢捆之

拾其劫反捆苦穩反

捆各人齊等其矢

兼挾乘矢皆內還南面揖適楅南皆左還北面揖楅三挾一个

上射左還下射右還皆向內故曰內還內還南面揖而後適楅南又皆左還北面揖而後楅三挾一个如射之形

揖以耦左還上射于左退者與進者相左相揖退釋弓矢于次

說決拾襲反位

以耦上射以其耦左還也揖面以耦
左還又相揖面後退釋弓矢于次

二耦拾取矢亦如之後者遂取誘射之矢兼乘矢而取之以授
有司于次中皆襲反位

凡耦取矢之儀皆同最後者取誘射之矢茲乘
矢取之以授有司乃反位以上三耦取矢于楅

司射作射如初一耦揖升如初司馬命去侯負侯許諾如初司
馬降釋弓反位

敖氏繼公曰如初亦適次作上耦也其異者三耦于既作乃
袒決遂取弓矢司射既作即反位不俟之司馬司馬正也下
放此不言脫決拾與襲文省去
侯去大侯參侯士不得射故也

司射猶挾一个去扑與司馬交于階前適阼階下北面請釋獲
于公公許反摺扑遂命釋獲者設中以弓爲畢北面

設中南當楅西當西序以弓爲畢以
弓代畢而指畫其處釋獲者大史

大史釋獲小臣師執中先首坐設之東面退大史實八算于中

橫委其餘于中西與共而俟共九勇反

大史雖主釋獲設中而小臣師代設之執算亦有人

司射西面命曰中離維綱揚觸搥復公則釋獲眾則不與唯公

所中中三侯皆獲中竹用反與音預

離過也維所以維持侯謂躬與舌也綱所以繫侯揚觸矢速揚而觸他物搥復矢不至侯而復反此皆射不中鵠之弊君雖有此亦釋獲所以然者優君不與臣下同也若眾人則不得如此有此弊則不釋獲又申之曰惟公所中中三侯皆獲以明眾不可如是

釋獲者命小史小史命獲者司射遂進由堂下北面視上射命

曰不貫不釋上射揖司射退反位貫古玩反

以司射之命徧告之命上射以不貫不釋則自君而外凡射者皆然

釋獲者坐取中之八算改實八算興執而俟

取八算執之以釋獲又實八算于中以俟再取

乃射若中則釋獲者每—个釋—算上射于右下射于左若有餘算則反委之又取中之八算改實八算于中興執而俟三耦

卒射

若中之中竹用反

若有中者則坐而釋獲御案三耦卒射釋次反位

賓降取弓矢于堂西諸公卿則適次繼三耦以南

公將射賓則不俟告而卽下堂取弓矢以升公卿則適次至三耦之南以次西面立

公將射則司馬師命負侯皆執其旌以負其侯而俟司馬師反位隸僕人埽侯道

尊君故命負侯執旌埽道若始之者然

司射去扑適阼階下告射于公公許適西階東告于賓遂搢扑

反位小射正一人取公之決拾于東站上二小射正授弓拂弓

皆以俟于東堂

去起呂反

告君故去扑公既許射則適西階東告于賓仍搢扑反位小射正不一人取公之決拾于東站上者一人授弓者又一人受弓而拂之者又一人東堂蓋卽東廂

公將射則賓降適堂西袒決遂執弓搢三挾一个升自西階先

待于物北北一筈東面立

前賓降取弓矢而升至此又降袒決遂執弓搢三挾一个而升先待于物北北空一筈之地蓋賓與公爲耦公將射故先如此以待

司馬升命去侯如初還右乃降釋弓反位

還音環又音患

去侯去參侯干侯也敖氏繼公曰既命去侯則由右物之南適其右乃降來由物北去適物右是還之也御案右物賓

所立此時賓待于物
北一筭故但云還右

公就物小射正奉決拾以筭大射正執弓皆以從于物小射正坐奠筭于物南遂拂以巾取決興贊設決朱極三

決拾盛于筭小射正奉之大射正本司正而今爲君執弓重其事也拂以巾以巾拂決拾令潔取決而興奉君贊相其禮而聲言之極卽輟也以章爲之而朱其色三食將指無名指以朱極韜此三指便于放絃

小臣正贊袒公袒朱襦卒袒小臣正退俟于東堂小射正又坐取拾興贊設拾以筭退奠于玷上復位

鄭康成曰旣袒乃設拾拾以韜襦上御案他稱皆袒決遂然後執弓而就物公則就物然後袒決遂而執弓異于臣也

大射正執弓以袂順左右隈上再下壹左執弣右執簫以授公

公親揉之隈鳥回反揉日酉反今文順爲循古文揉爲紐

執弓以袂蓋執握處敬君之所執也隈弓之曲處順以手循之審其厚薄強弱上再下壹上尤要也揉公受弓而親揉和

之

小臣師以巾內拂矢而授矢于公稍屬屬之欲反

以內拂矢去其塵稍屬公不稍矢發一矢後連屬授矢

大射正立于公後以矢行告于公下曰雷上曰揚左右曰方

矢行以行矢之法告公也下上左右皆謂射法弓不可太高欲其下也則告曰雷亦不可太下欲其高也則曰揚方平正也

公既發大射正受弓而俟拾發以將乘矢拾其劫反

俟者公復射又將授之公與賓爲耦賓先射公次射

公卒射小臣師以巾退反位大射正受弓小射正以筈受決拾

退奠于站上復位大射正退反司正之位小臣正贊襲

鄭康成曰受弓以授有司于東堂贊襲佐爲之襲

公還而後賓降釋弓于堂西反位于階西東面

御案蓋左還由東楹北而復阼階上之位未射則先待已射則後降耦于君之禮也敖氏繼公曰不言說決拾襲省文

公即席司正以命升賓賓升復筵而后卿大夫繼射

賓降者以諸公卿大夫在下也今公即席則命司正升賓賓復筵而後公卿大夫升

諸公卿取弓矢于次中袒決遂執弓搯三挾一个出西面揖揖

如三耦升射卒射降如三耦適次釋弓說決拾襲反位眾皆繼

射釋獲皆如初

說吐活反

公卿以下入次取弓矢皆自取之屈于君也皆如初該上一切

卒射釋獲者遂以所執餘獲適阼階下北面告于公曰左右卒

射反位坐委餘獲于中西興其而俟

共九勇反餘襲古文曰餘算

御案此與鄉射異者不升西階而適阼階下不告于賓而告于公以上再射

司馬祖執弓升命取矢如初負侯許諾以旌負侯如初司馬降釋弓如初小臣委矢于楅如初

賈氏公彥曰自此至就席論射訖取矢委于楅之事

賓諸公卿大夫之矢皆異束之以茅卒正坐左右撫之進東反位賓之矢則以授矢人于西堂下

異束各人矢各束之卒束畢也束之以侯再取賓與公綯殊于眾人故獨以授矢人西堂下仍其納時之數處

司馬釋弓反位而后卿大夫升就席

御案司馬釋弓句乃復述上事以明卿大夫升之節以上射訖委矢

司射適階西釋弓去扑襲進由中東立于中南北面視算釋獲者東面于中西坐先數右獲二算爲純一純以取實于左手十純則縮而委之每委異之有餘純則橫諸下一算爲奇奇則又

縮諸純下興自前適左東面坐坐兼斂算實于左手一純以委

十則異之其餘如右獲數疏羽反奇居宜反下同古文縮皆作𠄎

司射視算而釋獲者數之

司射復位釋獲者遂進取賢獲執之由阼階下北面告于公若

右勝則曰右賢于左若左勝則曰左賢于右以純數告若有奇

者亦曰奇若左右鈞則左右各執一算以告曰左右鈞還復位

坐兼斂算實八算于中委其餘于中西興共而俟共九勇反

以上告獲

司射命設豐司宮士奉豐由西階升北面坐設于西楹西降復

位奉芳勇反

將飲不勝者酒司射命設豐而司宮設豐于西楹西

勝者之弟子洗觶升酌散南面坐奠于豐上降反位司射遂袒執弓挾一个搯扑東面于三耦之西命三耦及眾射者勝者皆袒決遂執張弓不勝者皆襲說決拾卻左手右加弛弓于其上遂以執弣說吐活反卻去約反弛陟倚反射音撫

勝者之子弟升酌爵而奠于豐上即降司射命眾射者以既奠爵于是勝者皆袒決遂執張弓以示將復射不勝者皆襲脫決執弛弓以示不復射執射無所挾也

司射先反位三耦及眾射者皆升飲射爵于西階上

此總冒下文之事

小射正作升飲射爵者如作射一耦出揖如升射及階勝者先升升堂少右不勝者進北面坐取豐上之觶興少退立卒觶進坐奠于豐下興揖不勝者先降與升飲者相左交于階前相揖

適次釋弓襲反位。

作升告使升也。一耦之中或皆勝或皆不勝。未可知。此第言一耦以明其義。

僕人師繼酌射爵取觶實之反奠于豐上退俟于序端升飲者如初三耦卒飲。

始則勝者之子弟升酌既有飲者卒其會矣則僕人師繼酌之以卒三耦蓋僕人師執爵其常職也前用子弟酌散特以明優勝者之意。

若賓諸公卿大夫不勝則不降不執弓耦不升。

公卿大夫尊雖不勝而亦優之士之耦在堂下容有與大夫爲耦者亦不升也。

僕人師洗升實觶以授賓諸公卿大夫受觶于席以降適西階上北面立飲卒觶授執爵者反就席。

此飲諸公卿大夫之儀洗觶致潔授爵而不奠爵亦皆優其尊。

若飲公則侍射者降洗角觶升酌散降拜

君不釋獲則無飲君之禮而賓或不勝應亦罰爵但賓既與君爲耦亦不便罰之則賓與公皆飲如致爵于君之禮若者不定之辭也侍射者賓也角觶以兕角爲之

公降一等小臣正辭賓升再拜稽首公答再拜賓坐祭卒爵再拜稽首公答再拜賓降洗象觶升酌膳以致下拜小臣正辭升再拜稽首公答再拜公卒觶賓進受觶降洗散觶升實散下拜小臣正辭升再拜稽首公答再拜賓坐不祭卒觶降奠于筐階西東面立擯者以命升賓賓升就席

賓先自飲後洗象觶奉公公卒爵賓又自飲則侍射者飲二爵公一爵其爲賓不勝而飲射爵明矣容有賓勝而不飲者故上文言若擯者司正也

若諸公卿大夫之耦不勝則亦執弛弓特升飲

士之三耦不勝者皆飲公卿大夫之耦有不勝者亦執
弛弓升飲但其耦不俱升以別于士必飲者以別于公

眾皆繼飲射爵如三耦射爵辯乃徹豐與鱸辯音編

束上文之辭以
上飲不勝者

司宮尊侯于服不之東北兩獻酒東面南上皆加勺設洗于尊

西北篚在南東肆實一散于篚獻如字

獲者及隸僕人巾車等皆主侯事爲此等人別設尊故云尊
侯因尊侯而設之之謂兩兩壺也司馬正所酌一壺司馬師
所酌一壺南上者蓋司馬正所酌酌非一人故加勺以聽其
各自酌實一散于篚以便司馬正之洗御案此設尊洗之
處近于侯乏之閒獲者執旌時往來于此若早設之虞室礙故俟時而設之

司馬正洗散遂實爵獻服不服不侯西北三步北面拜受爵司

馬正西面拜送爵反位

服不氏爲大侯之獲者故先獻而司馬正主之御案乏去
侯西北十北十則此之侯西北三步爲乏東南七步矣司馬正

拜送爵而卽反位不俟卒爵略
賤也是後則司馬師代之行事

宰夫有司薦庶子設折俎卒錯獲者適右个薦俎從之獲者左
執爵右祭薦俎二手祭酒適左个祭如右个中亦如之卒祭左
个之西北三步東面設薦俎立卒爵

有司宰夫之吏有司與庶子既錯薦俎于地獲者則以爵適
右个而二人復執薦俎從之獲者于右个左執爵右祭薦俎
至酒則二人祭之以散大酒多二手乃能正也獲者又適左
祭亦如之祭中亦如之卒祭仍還西北三步東面有司庶子
仍爲設薦俎獲者立而卒爵

司馬師受虛爵洗獻隸僕人與巾車獲者皆如大侯之禮卒司
馬師受虛爵奠于篚獲者皆執其薦庶子執俎從之設于乏少
南服不復負侯而侯復扶又反

虛爵服不氏所飲之爵司馬師受而洗之獻隸僕巾車獲者
皆如司馬正獻服不氏之禮獲者三侯之獲者乏亦三侯之

乏也服不負大侯而俟則參侯干侯亦有負者可知以上獻獲者之屬

司射適階西去扑適堂西釋弓說決拾襲適洗洗觴升賓之際

獻釋獲者于其位少南薦脯醢折俎皆有祭去起呂反說吐活反

司射將獻釋者而適堂西去扑釋弓矢乃洗觴升賓獻之有司薦脯醢折俎皆祭見下文敖氏繼公曰釋獲者無事于侯且尊于獲者故獻之不酌獲者之尊而酌上尊鄭康成曰去扑扑不上堂也

釋獲者薦右東面拜受爵司射北面拜送爵釋獲者就其薦坐左執爵右祭脯醢興取肺坐祭遂祭酒興司射之西北面立卒爵不拜既爵司射受虛爵奠于篚釋獲者少西辟薦反位司射適堂西袒決遂取弓挾一个適階西搯扑以反位

以上獻釋獲者

司射倚扑于階西適阼階下北面請射于公如初

御案初請射時本自階前云如初者如其初不如其也此三請射

反摺扑適次命三耦皆袒決遂執弓序出取矢司射先反位

鄭康成曰序出以次而出言先先三耦也司射既命三耦即反位

三耦拾取矢如初小射正作取矢如初拾其劫反

三耦取矢如初蓋司射命之小射正又作之

三耦既拾取矢諸公卿大夫皆降如初位與耦入于次皆袒決遂執弓皆進當楅進坐說矢束上射東面下射西面拾取矢如

三耦拾其劫反說吐活反下同

三耦先拾取矢諸公卿大夫次取矢上射下射亦公卿大夫之耦此取矢亦當有三揖

若士與大夫爲耦士東面大夫西面大夫進坐說矢束退反位耦揖進坐兼取乘矢興順羽且左還毋周反面揖大夫進坐亦

兼取乘矢如其耦

公卿大夫取矢之儀已見上此特爲士與大夫爲耦者明之言若者容或大夫足于耦不必士與也士既與大夫耦則大夫說矢束亦如士不以其賤而自異其士之爲耦者揖進坐兼取乘矢順羽左還毋周反面而揖不敢略其儀大夫亦兼取乘矢如其耦不自異

北面摺三挾一个揖進

敖氏繼公曰進當作退 御案此儀于既適福南皆左還時爲之

大夫與其耦皆適次釋弓說決拾襲反位諸公卿升就席眾射者繼拾取矢皆如三耦遂入于次釋弓矢說決拾襲反位

拾取之拾

其劫反

大夫取矢訖適次釋弓矢諸公卿乃升就席眾射者繼拾眾矢及反位皆如三耦之儀以上取矢于福

司射猶挾一个以作射如初一耦揖升如初司馬升命去侯負

侯許諾司馬降釋弓反位

作射所作唯上
綱既作則反位

司射與司馬交于階前倚扑于階西適阼階下北面請以樂于公公許司射反摺扑東面命樂正曰命用樂樂正曰諾

請以樂奏樂以爲節也孔子曰射者何以射何以聽循聲而發發而不失正鵠者其惟賢者乎

司射遂適堂下北面視上射命曰不鼓不釋上射揖司射退反位樂正命大師曰奏狸首閒若一大師不興許諾樂正反位奏狸首以射大音泰狸力之反

記曰天子以騶虞爲節諸侯狸首大夫采蘋士采芣而此獨言狸首者蓋公卿在焉以諸侯之樂節通該上下優之也狸首詩亡不必鑿求其說

三耦卒射賓待于物如初公樂作而后就物稍屬不以樂志其

他如初儀卒射如初屬之欲反

不以樂志君射不必定應樂優尊也 御案其他贊決贊袒贊拾及授弓受弓等敖氏繼公曰卒射如初謂公卒射以至賓反位于階西之儀

賓就席諸公卿大夫眾射者皆繼射釋獲如初卒射降反位釋獲者執餘獲進告左右卒射如初

敖氏繼公曰就席繼射釋獲三事皆如初也以上三射

司馬升命取矢負侯許諾司馬降釋弓反位小臣委矢司馬師乘之皆如初司射釋弓視算如初釋獲者以賢獲與鈞告如初復位

此取矢反位告獲皆如初

司射命設豐實饌如初遂命勝者執張弓不勝者執弛弓升飲

如初卒退豐與解如初

此飲不勝者如初

司射猶袒決遂左執弓右執一个兼諸弦面鏃適次命拾取矢如初司射反位三耦及諸公卿大夫眾射者皆袒決遂以拾取矢如初矢不挾兼諸弦面鏃退適次皆授有司弓矢襲反位卿大夫升就席拾其劫反

義皆見上御案前大夫拾取反位後公卿升就席大夫不敢與之同升者射事未已大夫未得還離射位也此時射事已終將行旅酬故大夫與公卿俱升此取矢反位

司射適次釋弓說決拾去扑襲反位司馬正命退福解綱小臣師退福巾車量人解左下綱司馬師命獲者以旌與薦俎退司射命釋獲者退中與算而俟

解左下綱三侯以次而解之
俟者備君復射右射事畢

公又舉奠解唯公所賜若賓若長以旅于西階上如初大夫卒受者以虛解降奠于簠反位

陳氏暢曰燕則工歌之後笙奏之前爲大夫舉旅大射射畢乃爲大夫舉旅者主于射故也此公爲大夫舉旅

司馬正升自西階東楹之東北面告于公請徹俎公許遂適西階上北面告于賓賓北面取俎以出諸公卿取俎如賓禮遂出

授從者于門外

從才用反

敖氏繼公曰此下經文與燕禮同者不重釋之如賓禮謂各鄉其席取之也諸公南面卿北面射賓而下皆自執俎以出者臣也亦以其從者不得入之故

大夫降復位庶子正徹公俎降自阼階以東

敖氏繼公曰大夫降者欲與賓同說履而升也復位于門東者以諸公卿亦以俎出故也正庶子之長也此徹俎

賓諸公卿皆入門東面北上司正升賓賓諸公卿大夫皆說屨升就席公以賓及卿大夫皆坐乃安

鄭康成曰諸公卿不入門而右亦因從賓乃安各坐定司正乃以安告公也前司正以公命令安此乃終其安之事

羞庶羞大夫祭薦司正升受命皆命公曰眾無不醉賓及諸公卿大夫皆興對曰諾敢不醉皆反位坐

庶羞珍饌眾無不醉即命之之詞以上升坐安賓與公卿大夫

主人洗酌獻士于西階上士長升拜受觶主人拜送士坐祭立飲不拜既爵其他不拜坐祭立飲

長知丈反

士之尊者一人升拜受解皆坐祭立飲

乃薦司正與射人于觶南北面東上司正爲上辯獻士士既獻者立于東方西面北上乃薦士祝史小臣師亦就其位而薦之

主人就士旅食之尊而獻之旅食不拜受爵坐祭立飲主人執

虛爵奠于篚復位

辯音徧下竝同

唯司正與射人同薦以其執事異之既薦司正與射人乃徧獻士士既獻者即上文所云既獻乃薦士眾非一類故申明之亦者亦獻乃薦也射事既畢史祝俱各復其門東之位故就其位而薦之獻薦既畢主人奠爵于篚復位以上主人獻士

賓降洗升媵觶于公酌散下拜公降一等小臣正辭賓升再拜

稽首公答再拜賓坐祭卒爵再拜稽首公答再拜賓降洗象觶

升酌膳坐奠于薦南降拜小臣正辭賓升成拜公答拜賓反位

鄭康成曰象觶當爲解此賓媵解于公

公坐取賓所媵觶興唯公所賜受者如初受酬之禮降更爵洗升酌膳下再拜稽首小臣正辭升成拜公答拜乃就席坐行之

有執爵者唯受于公者拜觚亦當作解

公以賓所饗解以賜唯其所賜不獨受賜者如初受酬之禮更爵洗者潔之以俟旅酌也

司正命執爵者爵辯卒受者興以酬士大夫卒受者以爵興西階上酬士士升大夫奠爵拜士答拜大夫立卒爵不拜賓之士拜受大夫拜送士旅于西階上辯士旅酌

司正承公之意命執爵者徧爵大夫卒受爵者興以酬士以上旅酌

若命曰復射則不獻庶子司射命射唯欲卿大夫皆降再拜稽

首公答拜壹發中三侯皆獲復扶又反

言若者或然或不然也如公不命復射則即獻庶子若命復射則亦唯人所欲不强以必射此命射乃君與羣臣盡歡之意故或射或不射皆降拜公亦答拜以其知己之意謝之也其射也唯一發以順君鳴歡之意耳三侯皆獲唯其所欲射不復區三侯也此復射也

主人洗升自西階獻庶子于阼階下如獻士之禮辯獻降洗遂獻左右正與內小臣皆于阼階上如獻庶子之禮

右主人獻庶子以下

無算爵士也有執膳爵者有執散爵者執膳爵者酌以進公公不拜受執散爵者酌以之公命所賜所賜者興受爵降席下奠爵再拜稽首公答再拜受賜爵者以爵就席坐公卒爵然後飲膳爵以進公散爵以賜臣君臣交歡而必再答拜禮不懈于終也

執膳爵者受公爵酌反奠之受賜者興授執散爵者執散爵者乃酌行之唯受于公者拜

公不盡賜爵故唯受于公者拜

卒爵者興以酬士于西階上士升大夫不拜乃飲賓爵士不拜

受饋大夫就席士旅酌亦如之

大夫士均
不拜禮殺

公有命徹幕則賓及諸公卿大夫皆降西階下北面東上再拜稽首公命小臣正辭公答拜大夫皆辟升反位士終於上如

初無算樂

辟音避

徹幕欲其
盡歡也

賓則庶子執燭于阼階上司宮執燭于西階上甸人執大燭于庭闈人爲燭于門外

以上無
算爵

賓醉北面坐取其薦脯以降奏陔賓所執脯以賜鍾人于門內雷遂出卿大夫皆出公不送公入驚

賓人奏肆夏出秦陟夏公入奏鵲鷖
亦九夏之一其詩皆亡此賓出公入

總論古人射以觀德故自天子至于士庶無不習之而燕射賓
射大射鄉射則尤禮之大者然其射也必比禮比樂而能命
中乃爲可貴此篇所記詳于射飲諸儀而略于比禮比樂之
事蓋漢儒掇拾遺文非周公當日所頒行于天下者且篇中
明云諸公卿則其爲天子之大射無疑而又無天子字樣君
止言公所以前人俱主諸侯說然諸侯安得而有公乎其謂
大射不必在澤宮而在君所亦屬一偏之論射之義戴記已
詳其書出于孔孟門人所傳確有義理而前人以漢儒所編
多不信之愚已有禮記恆解茲不悉贅要之平日無誠正修
齊之學則雖工于射亦爲末技儒者于聖王中和建極之道

不詳爲推究而第拘拘此書一切儀文辨說愈多彌生聚訟
眞如畫餅何益于事故當分別觀之可也

儀禮恆解卷之七終